



Na osnovu člana 15. Zakona o principima lokalne samouprave („Službene novine Federacije BiH“ broj 49/06 i 51/09), člana 38. i člana 118. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20) i Odluke o izvršavanju budžeta za tekuću godinu, Općinski načelnik donosi:

P R A V I L N I K
O POSTUPKU I KRITERIJIMA ZA DODJELU JEDNOKRATNE POMOĆI U
GRAĐEVINSKOM MATERIJALU ZA HITNE INTERVENCIJE NA STAMBENIM
OBJEKTIMA ZA LICA SLABOG IMOVINSKOG STANJA

Član 1.

Ovim pravilnikom utvrđuju se uslovi, korisnici, način i postupak ostvarivanja prava na dodjelu jednokratne pomoći u građevinskom materijalu za hitne intervencije licima slabog imovinskog stanja na području općine Hadžići.

Prava iz stava 1. ovog člana ostvaruju se u skladu sa ovim Pravilnikom i planiranim i raspoloživim sredstvima u budžetu općine Hadžići.

Član 2.

Pravo na dodjelu jednokratne pomoći u građevinskom materijalu za hitne intervencije licima slabog imovinskog stanja, u skladu sa ovim Pravilnikom mogu ostvariti lica ili članovi njihove porodice u slučajevima kada ne postoji mogućnost da po nekom drugom osnovi ili propisu ostvare to pravo, ili kada je potrebno, na principu solidarnosti, pomoći u zaštiti života ili zdravlja lica koja su slabog imovinskog stanja a njihove materijalne i druge prilike ne mogu obezbjediti građevinske radove na njihovim stambenim objektima koje imaju karakter hitne intervencije, kako bi prevazišli trenutnu situaciju u kojoj su se zatekli.

Član 3.

Licima slabog imovinskog stanja u smislu člana 1. ovog Pravilnika, smatra se trajno ili privremeno stanje u kojem je građaninu ili njegovoj porodici neophodna pomoć društvene zajednice da bi savladao trenutne vlastite materijalne prilike koje ugrožavaju minimalne standarde življenja, kada na osnovu svojih materijalnih mogućnosti ne mogu obezbjediti zaštitu ugroženog života ili zdravlja, odnosno kada im je usljed teške materijalne situacije potrebna pomoć u građevinskom materijalu za hitne intervencije na njihovim stambenim objektima.

Član 4.

Jednokratna novčana pomoć u građevinskom materijalu može se odobriti u maksimalnom iznosu do 10.000,00 KM, po jednom zahtjevu.

Izuzetno, može se odobriti iznos veći od 10.000,00 KM u slučaju izuzetno teške materijalne situacije i potreba za hitnom intervencijom u građevinskom materijalu.

Član 5.

Jednokratna pomoć u građevinskom materijalu za hitne intervencije licima slabog imovinskog stanja može se odobriti licima koja imaju prebivalište najmanje jednu godinu dana na području općine Hadžići i kojima je usljed različitih društvenih i prirodnih okolnosti ili vanrednih prilika potrebna hitna intervencija na njihovom stambenom objektu u građevinskom materijalu.

Izuzetno od predhodnog stava ovog člana, općinski načelnik može dodjeliti jednokratnu pomoć u građevinskom materijalu za hitne intervencije licima slabog imovinskog stanja koja imaju prebivalište na području druge općine u koliko se dokaže stanje iz člana 3. ovog Pravilnika.

Član 6.

Dodjela jednokratne pomoć u građevinskom materijalu za hitne intervencije licima slabog imovinskog stanja u smislu odredaba ovog Pravilnika vrši se na osnovu pismenog zahtjeva lica slabog imovinskog stanja ili člana njegove uže porodice, uz koji je potrebno priložiti:

- a) ovjerena kopija lične karte i uvjerenje o kretanju,
- b) dokaz o primanjima (da je na evidenciji BIRO-a za zapošljavanje, uvjerenje da nema primanja, ček od penzije),
- c) ovjerenu kućnu listu,
- d) građevinsku dozvolu ili ZK izvodak sa upisanim stambenim objektom na podnosioca zahtjeva,
- e) druge dokaze sa kojima raspolaže podnosilac zahtjeva,
- f.) Izjava kojom se daje saglasnost da se njegovi lični podaci mogu obrađivati u skladu sa članom 5. Zakona o zaštiti ličnih podataka, a za potrebe provođenja postupka odobravanja tražene pomoći.

Zahtjev iz predhodnog stava sa potrebnom dokumentacijom, podnosi se Općinskom načelniku putem nadležne Općinske Službe na propisanom obrascu koji je sastavni dio ovog pravilnika (u daljem tekstu:Služba).

Član 7.

Po zahtjevu za dodjelu jednokratne pomoć u građevinskom materijalu za hitne intervencije licima slabog imovinskog stanja odlučuje Općinski načelnik Odlukom o dodjeli građevinskog materijala za hitne intervencije, na prijedlog Komisije za dodjelu građevinskog materijala za hitne intervencije licima slabog imovinskog stanja, (u daljem tekstu:Komisija), u skladu sa odredbama ovog Pravilnika.

Komisija ima pravo i obavezu da po službenoj dužnosti, tamo gdje je potrebno i moguće, pribavi isprave i dokaze o činjenicama i okolnostima od značaja za odlučivanje o osnovanosti zahtjeva za odobrenje pomoći prema uslovima predviđenim ovim Pravilnikom.

Izuzetno od predhodnog stava ovog člana, odluku o dodjeli građevinskog materijala za hitne intervencije licima slabog imovinskog stanja može donijeti Općinski načelnik bez mišljenja Komisije.

Član 8.

Komisiju iz člana 7. ovog Pravilnika, imenuje Općinski načelnik.

Komisija se sastoji od predsjednika i 2 člana, iz reda uposlenika Jedinstvenog organa uprave općine Hadžići o čemu će se donijeti posebno rješenje.

Član 9.

Komisija izlazi na teren gdje se nalazi predmetni stambeni objekat, utvrđuje koji je stepen potreba na stambenom objektu, sačinjava specifikaciju građevinskog materijala, razmatra prispjele zahtjeve i predlaže isprave i dokaze radi provjere ispunjenosti uslova iz člana 6. ovog Pravilnika.

Ako na osnovu utvrđenih činjenica, povodom podnesenog zahtjeva, komisija utvrdi da nema osnova za odobrenje dodjele građevinskog materijala za hitne intervencije, predlaže da se takav zahtjev odbije kao neosnovan.

U slučaju da zahtjev ne ispunjava uslove za dodjelu građevinskog materijala za hitne intervencije ili ne sadrže potrebnu dokumentaciju iz člana 6. ovog Pravilnika, Općinski načelnik pismeno obavještava podnosioca zahtjeva o odbijanju istog.

Član 10.

Nakon razmatranja zahtjeva Komisija izvještaj, specifikaciju građevinskog materijala i prijedlog, putem nadležne općinske Službe, dostavlja Općinskom načelniku, koji Odlukom odlučuje o dodjeli građevinskog materijala za hitne intervencije, za ove namjene.

Komisija je ovlaštena da u slučaju potrebe može vršiti sve vrste provjera priloženih dokaza na kojima lice zasniva opravdanost svog zahtjeva.

Član 11.

Pravilnik o uslovima i postupku za dodjelu građevinskog materijala za hitne intervencije licima u stanju socijalne potrebe bit će objavljen na oglasnoj ploči općine Hadžići.

Član 12.

Ovaj Pravilnik stupa na snagu narednog dana od dana objavljivanja na oglasnoj ploči općine Hadžići.

Broj:02-11-3-3648/2023
Hadžići, 12.04.2023. godine

